

大同縣志卷二十

藝文 下 古今體詩

目錄

詠霍將軍北伐 虞義 飲馬長城窟 太宗

出塞曲 劉濟 塞上曲 常建

塞下曲 常建 出塞曲 杜甫

雲中行 薛奇童 塞上逢盧仝 劉叉

次飛狐西卽事 馬戴 雲朔逢山友 張蠟

代北言懷 喻坦之 登單于臺 李士元

贈別蔚州使君 李商隱 李牧 司馬光

大同縣志 卷二十

詩目錄

古長城 李愈 并州少年行 元好問

送張安中還雲中 孫益 秦長城 陳孚

望李陵臺 柳貫 初出雲中 李溥光

渡桑乾 祝顥 悲平城 金幼孜

過雲中 李俊民 雲中雨節婦詩 錢宰

送李帥之雲中 李夢陽 同張宇川登高 韓邦靖

過鎬風嶺 黎民表 塞上喜秋稔 翟鵬

尋獨覺廢寺 劉餘澤 過桑乾有感 郭子直

雲中卽事 于謙 雲中中秋感懷 郭登

題元魏永固陵 年富 登鎮樓二首 年富



寄都憲年公 何棟 鎮樓秋望 王越

登鎮樓二首 王越 籌邊亭為韓都憲賦 邱濬

登大同樓 喬宇 桑乾道中 陳鴻

薄暮望雷公山 張徽 柳港泛舟 翟鵬

雲中秋興 楊一葵 雲中感懷 段敏

謁大同名宦祠 于重華 秋暮登高有懷 朱兩山

柳港泛舟 吳亮 池亭讌和 徐克讓

題柳港寺 朱充鯨 秋興四首 王嗣緒

上蔡中丞 高壁 咏七峯山 王汝濂

過桑乾河 張達 次方宮保原韻 鄭洛

大同縣志 卷二十

詩目錄

二

送胡太守 劉龍 出使雲中作 李夢陽

賀進封定襄伯 劉溥 送周郎中 王世貞

望雲中塞 謝榛 題鎮城西北樓 李柄

遊石佛寺 吳伯興 雲岡寺讌集 曹溶

奉答對月詩 曹溶 送馮教授 吳偉業

送曹侍郎 朱彝尊 雲州對月 朱彝尊

賦謝張明府 朱彝尊 賦謝曹武備 朱彝尊

食半翅 朱彝尊 雲中至日 朱彝尊

晚行過白登 魏象樞 秀女村 魏象樞

雨鎖憲死難 魏象樞 雲岡佛閣 王度

題口泉圖 朱建豐 大同道中 沈周濟

送郎學博 王奇士 題雲岡寺 馮雲驥

遊華嚴寺 馮雲驥 典雲橋二首 馮雲驥

三雲感舊 馮雲驥 雲中秋日八首 馮雲驥

遊華嚴寺 馮雲驥 王烈婦詩 夏人佺

重至大同 顧絳 桑乾野漲 沈會霖

送張大司馬 梁清標 大同懷古 張五典

同王柏崖作 團昇 孫孝女詩 團昇

登大同城 團昇 東關華嚴寺 吳麟

謁潤濟侯廟 吳麟 鎮樓秋眺 吳麟

大同縣志 卷二十 詩目錄 三

春暇操琴 吳麟 秋夜出塞四首 任舉

暮村 任舉 塞外卽事四首 任舉

旅雪二首 任舉 塞外七夕 任舉

立春有感 任舉 詠史十首 任承恩

紅毛刀歌 任承恩 普恩寺碑歌 任承恩

題畫梅 任承恩 雲岡寺二首 胡天游

宿下華嚴寺 張開東 宿聚樂驛 張開東

贈吳太守 張開東 書黃烈婦傳後 劉卓

三皇墓 李養本 王家園觀杏花 邢纘祖

秋日雲中 宋梅 邊牆 宋梅

雲中道上

俞治

郡齋卽事

俞治

旅懷

俞治

黃烈婦祠

俞治

杏花園雅集

吳輔宏

題黃烈婦祠

吳輔宏

吳太守招飲

胡溶

賦尊經閣

潘斗

桑乾渡

文光

黃烈婦祠

文光

愛客泉二首

王志滌

王明府招飲二首

王志滌

黎明府初度二首

王志滌

偕遊東郭外四首

王志滌

雲中新月

王志滌

雲中懷古二首

王志滌

和黎明府盆菊

王志滌

長生蘋歌

王志滌

雷公山載酒

王志滌

再賦長生蘋二律

王志滌

大同縣志卷二十

詩目錄

四

陳烈婦祠

方坦

壯觀二字墨刻

方坦

岳武穆廟

方坦

雲中懷古

方坦

塞垣詠古四首

方坦

長生蘋歌

方坦

九龍壁歌

方坦

書黎明府詩後

方坦

雲中懷古

朱休度

出得勝口

朱休度

梧桐石

董知本

浣香山房聽雪

董知本

新秋遊華嚴寺

王志滌

梧桐石歌

王志滌

秀女村

王志滌

禱雨恒山四律

王志滌

步黎明府元韻

王志滌

次黎明府原韻三首

王志滌

步遊柳泉元韻

王志滌

柳泉長生蘋歌

王志滌

其賦雲中懷古律

王志融

寄千波徵君

湯貽汾

奉酬千波仁兄

湯貽汾

答少華王座師二首

楊得

魏陵烟雨

黃象賢

九日登鎮樓感懷

黃象賢

柳港泛舟

雷振霄

一品石卽事

崔允昭

次和原韻二律

哲成額

奉次原韻二律

方發祥

奉次原韻二律

王之幹

奉次原韻二律

於吉中

弔臧烈婦

顧穗林

和王千波長生

顧穗林

玉河觀漲

霍宗光

和郝廣文原韻

霍宗光

和黎濂薌先生原韻

郝昇榮

暮春和署中諸友四律

黎中輔

柳泉灣觴詠二十首

黎中輔

郡齋梧桐石

黎中輔

大同縣志卷二十

詩目錄

五

書臧烈婦傳後

黎中輔

紀貞女張氏事

黎中輔

題長生蘋圖冊

張從簡

移建崇聖祠

聶應聘

重建太乙閣

武錫珪

長生蘋二律

郭百里

冰洞

張志仁

文鷺湖

楊霖

遊七峯山

郭輯五

晴眺塔山

郭輯五

過雪窖有感

郭輯五

文鷺湖

黃文傑

小龍門

黃文傑

鐵索橋

黃文傑

文鷺湖

郭庭槐

小龍門

郭庭槐

鐵索橋

郭庭槐

冰洞

郭庭槐

文鷺湖

師文

柳泉觀長生蘋

師文

梁

詠霍將軍北伐

虞羲

擁旄爲大將汗馬出長城長城地勢險萬里與雲平涼秋八九月
鐵騎入幽并飛狐白日晚瀚海愁雲生羽書時斷絕刁斗晝夜驚
乘墉揮寶劍蔽日引高旌雲屯七萃士魚麗六郡兵哀笳關下聽
玉笛隴頭鳴先聲鋒自礮三捷燧無驚玉門罷斥堠甲第始修營
位登萬庾積功立百行成天長地自久人道有虧盈未窮激楚樂
已見高臺傾當令麟閣上千載有雄名

唐

飲馬長城窟

太宗

大同縣志

卷二十

詩

六

塞外悲風切交河冰已結瀚海百重波山陰千里雪迥戍危烽火
層巒引高節悠然卷旆旌飲馬出長城寒沙迷騎迹朔吹斷邊聲
烽塵清紫塞玉笛韻金鉦絕漠干戈戢車徒振原隰都尉返龍堆
將軍旋馬邑揚塵氛霧靜紀石功名立荒徼一征衣靈臺凱歌入

出塞曲

劉濟

將軍在重圍音信絕不通羽書如流星飛入甘泉宮倚是并州兒
少年心膽雄一朝隨名募百戰爭王公去年桑乾北今年桑乾東
死是征人死功是將軍功羸馬牧秋月疲兵臥霜風仍聞左賢王
更欲向雲中

塞上曲

常建

翩翩雲中使來問太原卒百戰苦不歸刀頭怨秋月塞雲隨陣落
寒日傍城沒城下有寡妻哀哀哭枯骨

塞下曲

常建

黃雲鴈門郡日暮風沙裏千騎黑貂裘皆稱羽林子金笳吹朔雪
鐵馬嘶雲水帳下飲葡萄平生寸心是

出塞曲

杜甫

朝進東門營暮上河陽橋落日照大旗馬鳴風蕭蕭平沙列萬幕
部伍各見招中天懸明月令嚴夜寂寥悲笳數聲動壯士慘不驕
借問大將誰恐是霍嫖姚

雲中行

薛奇童

大同縣志

卷二十

詩

七

雲中小兒吹金管向晚因風一川滿塞北雲高心已悲城南落木
腸堪斷憶昔魏家都此方涼風觀前朝百王千門曉映山川色雙
闕遙連日月光舉杯稱壽永相保日夕歌鐘徹清吳將軍汗馬百
戰場君王射獸五原草寂寞金輿去不歸陵上黃塵滿露飛河邊
不語傷流水川上含情歎落暉此時獨力無所見日暮寒風吹客
衣

塞上逢盧仝

劉叉

直到桑乾北逢君夜不眠上樓腰脚健懷土眼睛穿斗柄寒垂地
河流凍徹天羈魂泣相向何事有詩篇

別家後次飛狐西卽事

馬戴

遠歸從此別親愛失天涯去國頻迴首方秋不在家鳴蜩聞塞路
冷鴈背龍沙西次桑乾曲洲中見荻花

雲朔逢山友

張蠙

會面却生疑居然似夢歸塞深行客少家遠識人稀戰馬依山牧
驚禽曳箭飛將軍雖異禮難便脫麻衣

代北言懷

喻坦之

困馬榆關北那堪落景催路行沙不絕風與雪兼來草得春猶白
鴻侵夏始迴行人莫遠入戍角有餘哀

登單于臺

李士元

悔上層樓望翻成極目愁路沿蔥嶺去河背玉關流馬放眠沙磧

大同縣志

卷二十

詩

八

兵閑倚戍樓殘陽三會角吹白旅人頭

贈別前蔚州契必使君

李商隱

何年部落到陰陵奕世勤王國史稱夜掩牙旗千帳雪朝飛羽騎
一河冰兒童襁負來青塚士女壺漿出白登日晚鷓鴣泉畔獵路
人遙識郅都鷹

宋

李牧

司馬光

誰牛饗壯士拔距養奇才塞馬方驚避秦金已闔來旌旗移幕府
荆棘蔓叢臺部曲依稀在猶能話郭開

金

古長城

李愈

秦築萬里城保祚迄蟠際阿房赤炬燹亡秦維二世勿謂約椽愚
千秋資控制

并州少年行

元好問

北風動地起天際浮雲多登高一長嘯逸灑層霄摩我欲橫江鬪
蛟鼉萬弩迸射陽侯波或當大獵燕趙間黃熊朱豹皆遮羅男兒
萬馬隨搗訶朝發細柳莫朝那埽雲黑山布陽和歸來明堂見天
子黃金橫帶冠戢戢人生只作張騫傅介子遠勝僵死空山阿君
不見并州少年夜枕戈破屋耿耿天垂河欲眠不眠淚滂沱著鞭
忽記劉越石拔劍起舞鷄鳴歌東方未明兮奈夜何

大同縣志

卷二十

詩

九

送張安中還雲中

孫益

相送還相送臨分手重分驂驪欣得路鴻鴈惜離羣木落黃華露
城低紫塞雲中秋月正好千里謾思君

元

秦長城

陳孚

驅車出長城飲馬長城窟朔雲黃浩浩萬里見秋鶻白骨渺何處
北風卷寒沙蒙恬劍下血化作川上花祖龍一何愚社稷付征杵
長城土未乾秦宮已焦土千載不可問似聞鬼夜哭矯首武陵源
紅霞滿川谷

望李陵臺

柳貫

平沙北流水青山在其上李陵思鄉臺駐馬一西向草根含餘
峯尖入寒望俚言雖莫稽陳迹尚可訪想其深入初步卒亦材壯
手張天子威氣奪名王帳覆車陷邊塵此志迺大妄一爲情愛牽
皇恤身名喪縷縷中郎書挽使同跌踢安知臣節恭之死不易諒
河梁執別處出語謾惆悵家聲故燁赫三世漢飛將兵法有死生
人運迭休旺忠回在信史豈沒功罪狀馬遷當腐刑強欲雪其謗
土思豈能無層雲塞亭障千年麒麟圖吾將執元噐

初出雲中

李溥光

吟鞭驢背穩如舟乍出巖塵眼界幽宿雨洗開千里嶂晴雲捲出
一天秋白鷗黃犢渾相識綠水青山憶舊遊莫訝旅懷還更好道
大同縣志卷二十 詩 十
人心上本無憂

明

度桑乾

祝顯

金龍池畔水演作桑乾河東馳入滄海浩蕩成洪波誰知稽天流
發源始盈科覽物感人事臨流當若何

悲平城

金幼孜

嬴政馭四海六國爲榛荆巍巍黃屋尊萬世希業成奕禩肇二世
收鐵乃銷兵更爲籌奇策北築萬里城民命半爲土白骨亂縱橫
焉知百歲後蕭牆自紛爭楚炬照天赤隆準人咸京宗社旣覆絕
滄桑多變更至今千載下長城猶崢嶸我時從萬乘仗劍扈巡行

徘徊覽遺堞惻愴懷古情揮鞭上馬去落日悲風聲

過雲中

李俊民

把酒不成醉出門行路難客愁千里破歸夢五更殘三仕有何喜
一生常鮮歡恨無南去鴈為我報平安

雲中兩烈婦詩

錢宰

竹貞鎮雲中縱游兵掠鄉鄙張思孝妻華氏偕子婦劉罵

賊死之作雲中兩烈婦詩

雲中兩烈婦風節何雄哉婦姑誓同死軍馬倏已來姑言我死命
之遭爾方年少不得逃欲自經不得索欲自刎不得刀少婦前致
詞不用刀與索兒當激賊怒婦姑頭共斫姑如湛盧劍罵賊獵獵
生剛風婦如黃閭弩蹶張放弦氣愈雄厲聲奮激膺賊鋒萬古雙
烈夸雲中

大同縣志

卷二十

詩

十一

送李帥之雲中

李夢陽

黃風北來雲氣惡雲州健兒夜吹角將軍按劍坐待曙武周山搖
月半落槽頭馬鳴大飯飽昔無完衣今繡襖沙場緩轡行射鵬秋
草滿地風蕭蕭

雲中九月八日同張宇川登高

韓邦靖

佳節來朝是邊寒花未開愁心看極塞鄉思上高臺對酒霜笳咽
當歌白鴈來天涯難會面風雨復相催

過鎗風嶺

黎民表

沙泥岍兩岸細路轉堪憎去馬衝風色征衣掛石棱疲兵時偃臥
古堠更陵乘賴有銷愁地雲中岳色層

塞上喜秋稔

翟鵬

雷嶂稱天險霓旌滿路光驛通三晉遠城鎖五原長雞田飛雪冷
燕麥引風香邊事封初定家家泛羽觴

尋獨覺廢寺

劉餘澤

披草問招提荒荒日欲西豈緣成獨覺應是度羣迷殿圯餘碑蘚
僧貧共野壟人天從證果去馬意悽悽

過桑乾有感

郭子直

晚度桑乾水偏令百感生一官慚禮樂萬里客幽并木落聞霜笛
大同縣志卷二十

詩

十三

雲開見戍城不須愁出塞熄燧罷鳴征

雲中卽事

于謙

日擊烟沙草帶霜天寒歲暮景蒼茫炕頭熾炭燒黃鼠馬上彎弓
射白狼百二連營秦壁壘五原封鎖漢封疆邊陲無事風塵淨坐
聽笳聲送夕陽

雲中中秋感懷

郭登

南極烽煙又遠征衣冠今夕會邊城千家落日傷秋色萬里歸心
對月明舞鏡彩鸞雲渺渺隔簾霜兔杵丁丁九霄風露涼如許欲
挽天河洗甲兵

題元魏永固陵

年富

雲中北顧是方山永固名陵閱夜關淑魄已消黃壤下荒墳猶在
翠微間春深夜半花爭放秋盡祠前草白斑欲弔當年何處問古
碑零落水潺湲

登鎮樓二首

年富

昔年曾此一登臨今日重來感慨深雲樹每遮南望目關山空老
濟時心遙知鴈字傳蘇信未許商巖起傅霖欲脫豸冠賦歸去清
風明月五絃琴

樓頭凝望思悽然蓬髮蕭疎六十年山勢北來雲渺渺水聲東去
草芊芊寒鴉散亂斜陽外荒塚高低古道邊慰我愁腸裴太監杯
盤羅列酒如泉

大同縣志

卷二十

詩

十三

寄都憲年公節鎮雲中四首

何棟

北塞風高百草秋嚴威萬里擁貔貅陣前親賈諸軍勇幄內密傳
衆將籌笑洗燕然重勒石喜看部曲盡封侯功成不鑄黃金像願
學鴟夷海上遊

關外親專節制權擬將忠烈鎮雄邊子儀威令兼諸道充國軍行
保萬全仗劍曉霜光欲耀抱弓秋月影初弦功成捷奏明光殿麟
閣勲名照後先

凌晨伐鼓壁門開受鉞專征海嶽摧喜見戈鋌明日月驚聞號令
起風雷陣圖乍變龍蛇勢將佐仍兼霍衛才裘帶風清鈴閣迥黃
金不負早登臺

軍門初起聲如雷諸將堦前聽令迴裴度已收朝野望孔明原是
伯王才長驅萬馬嚴邊壘坐擁雙旌上將臺欲擬封侯三萬戶時
彈寶劍看三台

鎮樓秋望

王越

瑟瑟西風吹雨晴可憐佳節在邊城百年人有幾時健一歲月惟
今夜明撫劍不堪傷往事舉杯空自惜離情君恩未報頭先白羸
得轅門說老成

登鎮城西北樓二首

王越

彩雲飛過幾層簷樓上人呼酒再添半壁夕陽紅影瘦一鈞山色
翠眉織我非能畫王摩詰誰是先憂范仲淹遙想滕王舊時閣瀟

大同縣志

卷二十

詩

十四

瀟暮雨捲珠簾

天邊星斗落西簷醉倚層樓逸興添邊鴈叫開雲漠漠塞笳吹斷
雨纖纖黑貂寂寞風塵老紫綬淒涼歲月淹千古魏陵荒薺合夕
陽行色映珠簾

籌邊亭爲韓都憲賦

邱濬

叢栢中間數仞亭海雲山月總關情三干部下春申客十萬胸中
老范兵談笑已看勛業就指麾能使鬼神驚先憂後樂生平事早
向凌雲書姓名

登大同樓

喬宇

東南山勢遶皇都西北樓高眺望孤荒磧平沙連塞遠片雲寒鴈

入空無長城萬里阜秦築文德千年仰舜敷今日北門誰鎖鑰受
降城外盡輿圖

桑乾道中

陳鴻

征程十里見桑乾二月誰憐尚苦寒沃野北來邊地近流漸東下
早春殘風移竹箭穿貂帽雪作楊花點馬鞍旅况壚頭消不盡琵琶
絃織指莫教彈

薄暮望雷公山

張徽

地僻林深景闐幽神祠遠在此山陬峯頭鳥去陽光返谷口龍歸
雨氣收隱隱鐘鳴青嶂暮霏霏嵐鎖碧雲秋不城佳致應推最何
日投簪足勝遊

人同縣志

卷二十

詩

七

柳港泛舟

翟鵬

翩翩旌節下雲霄沙漠河流霧氣消座對羽觴浮蠓酒棹隨水礫
轉虹橋星輅莅止西陲靖風彩凌空北嶽搖爲備五兵符在篋伊
誰橫槊任逍遙

雲中秋興

楊一葵

極目蒼茫望夕暉山煙涵樹暮鐘微壯懷不逐黃花瘦尊酒頻看
白鳥飛玉帳威行萬里遠綵衣愁共寸心違銅鑣夜夜鳴荒戍塞
上秋高馬正肥

雲中感懷

段敏

月冷邊城鼓角高一燈明滅冕塵袍年來逝水消功業秋入他鄉

改鬢毛報國無能慚廩餼歸家有夢到林臯短章吟罷渾忘寐俯仰乾坤首重搔

謁大同名宦祠

大父曾按宣雲祠之

于重華

昔日峩冠按朔方而今猶自凜風霜西臺御史乘驄地東海于公種德堂接武有人仍憲柏惠文到處是庚桑宮牆一席真千載瞻仰流風日月長

秋暮登高有懷

朱雨山

名失考

露冷天高萬里秋孤城獨坐對山樓寒塘四野飛鳧鴈旭日千村散馬牛紫塞尚留秦雉堞白登誰益漢戈矛雲中自古邊垣極夜夜霜笳瀚海頭

大同縣志

卷二十

詩

去

柳港泛舟

吳亮

白積黃沙曲水通招携暫許過城東迎風柳眼千條綠向日葵心一半紅見說雲旛來塞下况逢佳節麗天中木蘭偏喜孤踪合肯負樽前酒不空

池亭讌和

徐克讓

輕輿軟徑破烟蕪新雨纔過綠湛湖小坐恍呈濠水趣細遊猶閱輞川圖獨慙白雪先題壁深喜青雲共接途沙塞一官殊不俗教人六月坐冰壺

題柳港寺

朱克鯨

柳寺城南日午鐘浮圖映帶九芙蓉蓮開上界金長湧蜃結虛樓

雲半封雙樹摩空枝借鶴六時翻貝鉢歸龍慈航彼岸迷烟雨香
散蘋花入座穠

秋興四首

王嗣續

搖落清秋萬壑哀蕭條北向望龍堆風來枚嶺迷烟合月上榆關
寶鏡開雲裏雙雕隨箭下天邊候鴈拂霜迴匣中古劍塵埋久夜
夜精光徹斗台

飛狐嶺上暗黃雲趙霸岡前見馬羣名將子孫皆錦袴芳時樓閣
總紅裙城頭旆影晴朝見柝裡秋聲靜夜聞版築金湯千載績土
人每誦郭將軍

北嶽巖巖鎮此邦平明山色滿晴窗秋防戰士擐金甲日暮材官

大同縣志

卷二十

詩

十七

醉玉缸扼塞總因專閫壯銷兵應爲築城降可憐仗鉞王司馬懷
遠安邊古少雙

晉陽西北枕邊頭云是當年古冀州曾爲烽塵饒士馬近因通市
靖戈矛藏山春雨程嬰廟汾水秋風漢武舟一線黃河臨廣漠不
知何以恃無憂

上蔡中丞

高壁

早從經濟識兵機遠爲朝廷布德威功業滿書麟閣上笑談坐解
蔡州圍風清白羽閒看扇香溢紅雲御賜衣簡在帝心勞亦久只
今虛席待公歸

咏七峯山

王汝濂

平沙漠漠翠屏開勝日邀懽接駟來峯巒似凝珠斗列巖虛疑抱
玉泉迴響傳空谷風生洞影亂斜陽鳥下臺獨惜王喬飛舄去雙
鳧雲斷重低河

過桑乾河

張達

幾年不渡桑乾水今日重來二月中萬里洪濤如舊湧一川積凍
未全融浮槎謾擬張騫興悲路何憐阮籍窮我已無心問津吏閑
來風浪看蒼穹

次方宮保晾馬臺原韻

鄭洛

漢關直北有荒臺上相登臨列騎陪壯畧久行邊地外輕車漫踏
虜山來一尊酒盡乾坤大萬里風清氣色開猶憶受降憑帝寵當
年韓范自天才

大同縣志

卷二十

詩

六

高天絕塞隱層陰酌酒峯頭擊節吟朔漠氊裘方貢馬漢家褰韉
未銷金狼烟寂寂龍沙靜鳥陣重重虎帳深何事三軍猶荷鉞萬
年桑土杞人心

仗鉞開尊倚大荒望中寥廓鬱蒼茫酒杯浮出山河色兵氣銷爲
日月光塞草亦知承雨露邊臣何以報君王好將白雪陽春調擬
獻清朝雅頌腔

送胡良弼太守還雲中

劉龍

屈指元州十五春曾於公署挹芳塵一燈深夜花頻落兩屐新晴
草未勻此日潁川堪入傳當時工部已驚人莫辭更踏關山月會

有徵書下紫宸

出使雲中作

李夢陽

黃河水遶古邊牆河上秋風鴈幾行
客子過壕追野馬將軍韜箭射山狼
黃塵古渡迷飛輓白日橫空令戰場
崑道朔方多勇畧只今誰是郭汾陽

大同克敵進封其鎮守總戎都督郭清寧為定襄伯喜而賦

此以賀之

劉溥

捷書飛奏入明光
那伯榮封位定襄邊
聞到今方得將野庭從此
不稱王正愁白髮逢多難
忽對青春喜欲狂
却愧無緣走相賀
典衣聊自醉壺觴

大同縣志

卷二十

詩

九

送周郎中守大同

王世貞

誰言春色邊城晚
星使乘春颺畫熊
為問馮唐淹省署
何如魏尚守雲中
嚴城月靜千峯出
嘯閣風迴萬馬空
保障自來勤遠畧
不須長劍掃崆峒

望雲中塞

謝榛

幾年欲向塞門遊
北渡桑乾重旅愁
畫角悲涼孤館夜
黃榆搖落九邊秋
壯心未擲班生筆
浪迹堪憐季子裘
回首江湖任鷗鳥
漫嗟華髮滯燕州

題鎮城西北樓

李柄

重鎮臨元岳名城正朔宮
危樓峙西北飛棟接穹窿
日湧神京現

天開大漠空黃河遙浩淼灑水近冲融百雉旌旗肅三闕鼓角通
睥睨千騎整磴道九遠同自昔嚴刁斗累朝息戰功堠烽分障謚
貔虎備邊雄坐運陳平策時頒魏絳鐘憑欄舒灑興飲御咏和衷
地亘金湯固門扃鎖鑰崇壯猷方叔在虜碩頌元公

遊石佛寺

并引

吳伯興

石佛寺創自後魏拓跋氏時以定伯之猛力仰岡壁之清
華接構歷七帝百餘年神峯遍石佛二十座盤空數級梯
石數盤似帆欲揚如翅斯倚金人錯其虛臂葺宮蔚於高
天奇樹映樓閣以慈龍丹青並異卉而冥密斷鰲不足比
其紛披操蛇不足異其轉徙梵天化城不足窮其高融奧

大同縣志

卷二十

詩

三

博也方岳元中張君命酒其上樂我兄弟繚行影之素氣
朗風林之奇聲於是雪熒熒而布天花月冉冉其行叢樾
虛白環身元清滌慮恍矣接幽想於衆生覘空明於一切
主人盡觥籌之摘發諸君極本量之推排孰云靈境常然
信是生人絕觀予故欣喜言韻聊以輸毫大觀而溢齒於
消賞差爲飛恢云爾

是誰發幻想一鑿石光徧百仞入雕縷虛空足可踐皺秀而透瘦
絲絲見佛面天神當頂垂寶絡從雲綯或聚或紛披或立或飛濺
或如覆釜鐺或如脂塗線山山爭名身石石佛宅眷八百金剛子
盤盤作石串有時解點頭天風吹作霰有時幻琉璃牟尼珠片片

是雪是月光分火激流電細酒沸真珠蕊花添幽艷主人多布暑
隨陰羅鮮饌醉裏語相忘無心不可見世事幾消除鬢髮隨時變
卽如瘦石骨霜雪幾陶煉彼哉尚餘租何殊蠻觸戰人間塵土事
一半寄纓弁丈夫但乘時奚必端明殿有志不得申三公等貧賤
得酒但盆飲飲之少健羨一分可留心或在筆與硯願以雲林譜
續作石佛傳

國朝

雲岡寺讌集

曹溶

邀客坐平沙寒陰半雪花稱檀羅十寺磬筦幻三車隄柳飄金蕊
風毛印玉砂野清園列騎徑曲隱吹笳石鼓喧霄漢冰泉礪齒牙

大同縣志

卷二十

詩

三

法幢隨霧雨寶座卽谿衍佛國遊堪借軍容靜不譁遙天開帝幕
中席進琵琶鼎沸親煎茗盤空映削瓜興餘攀鐵鑠深處乞胡麻
醒酒穿林麓貪權置網罟鋪聲鳴餓虎矛影散秋蛇未礙西來法
聊舒遠放嗟古今人孰在銘刻意徒奢水遶孤城直山分大漠斜
要荒齊奉版駝馬各歸家境勝酬宮令閒多緩髣華徹裏親雲毳
彩筆付蒹葭當軾懸捎兔移燈照晚鴉碧雲猶徙倚不信出塵賒

甲辰冬月朱十訪我塞上賦對月詩奉答

三

曹溶

昔我登羅浮靈雲翼飛軒炎光扇四序奕奕神芝顏有美儼相從
盛作游覽言芳蘭麗重墀列植皆翩翩洗爵命醽醑鱸鯉出丹淵
旋日駕輕機跌蕩珠江前矢口吐嘉藻衆賓稱我賢聿來鴈門樓

轉瞬八九年寒燠既殊軌瀕興何由宣賴有同心士風雨仍勿愆
樂莫故交樂遂賦明月篇

月出照城闌大野河洋洋連山萬餘里縣亘不可詳列營悲霜角
羽燾隨風翔束芻徵近郊飛駿蔚千行獵火耀繁星重裘禦嚴霜
章甫謬司憲飭躬戒無荒蓬菅閉重闔民俗偕吉康方厘索處憂
之子凌大江弗效兒女仁慷慨溢中腸曠觀幽與并回睇思故鄉
旦夕事游燕孤抱成匹雙何意古邊頭特達奉圭璋

圭璋慎中闕黽勉循昔經暫當展清輝相對於邊庭深雪蔽層阪
修柏含青英匡世羨高度緇塵詎能搜袒褐濟三冬園葵待晨烹
曲房剪茅茨靜見游鴻征文籍繞四座持酒忻其傾開懷玩流景
大同縣志卷二十 詩 三
哀樂全其貞悠悠道路間乃得親友生恒嶽有盤石足以喻精誠
環顧王化周冀方息交兵

送馮訥生進士教授雲中

吳偉業

并州馮郎長吳越桐江風雪秦淮月不烹羊酪敵尊羹肯拈蘆管
吹桃葉才同顧陸與溫邢俠少風流擅絕倫名士有誰甘作諾丈
夫何必尚專城乞得一瓊還故土欲化邊人作鄒魯余笑謂君且
歸去不信廣文今廣武絳帳懸弓設豹侯講堂割肉搯鼉鼓擊磬
新調塞上歌投壺却奏軍中舞文籍先生上谷儒游閒公子河東
賈亂定初聞關里鐘時清不用平城弩雁門太守解將迎馬邑名
豪通訓詁烏桓年少挾雕弧射得黃羊供束脯男兒作健羞裙屐

拂雲堆上吹橫笛，似頭博士爲萬卷。撫掌封侯空四壁，憶昔扁舟
醉石頭。別來幾夢南徐客，隱囊麈尾燒却盡。長鈇純鈎看自惜，學
就吳趨恐未工。注成晉問無人識，嗚呼五湖烟水憶鱸魚。落水天
高好寄書，塞雁不歸花又發。故人消息待何如。

送曹侍郎備兵大同二首

朱彝尊

司農論議朝端重，副相聲名輦下聞。豈意尚煩西顧策，翻教暫領
朔方軍。河邊遠道人千里，天外鄉書鳩幾羣。到日關城春色早，李
陵臺畔柳紛紛。

關榆蕭瑟一庭空，堠火平安九塞通。往日連師驚朔漠，只今市馬
亘西東。黃河天上三城戍，畫角霜前萬里風。知有馮唐論將帥，不

大同縣志

卷二十

詩

三

令魏尚久雲中

十月十四日夜同曹使君雲州對月

朱彝尊

發軌自徂暑，息鞅及元冥。迢迢沙際月，皎皎雲中明。臯禽警朔吹，
別葉辭苦莖。青霜降北陸，參井緬縱橫。主人託嘉藻，休澣寡所營。
悟彼行役艱，曲宴奏中誠。清樽湛瑤席，兔首亦以烹。但言音塵闕，
豈意良覲并。謙謙君子柄，習坎美不盈。澄輝矢相照，慰我殷憂情。
將赴山陰墮馬傷，足張明府枉顧逆。旅餉酒賦謝二首

朱彝尊

可怪乘船客，今朝墮馬來。半人宣武笑，長路步兵哀。地主逢傾蓋，
天涯獨愛才。淹流憐逆旅，相餉竹根杯。

果見軒車至倉黃故夕屏亦知寬禮數強起著裳衣涕淚餘生在
形容此日非遐方堅臥徹猶得藉光輝

雲中客舍曹武備自津門以筐蟹銀魚見寄賦謝二首

朱彝尊

千里三沽使傾筐異味傳霜螯初入手臘月更須憐重馬愁關吏
香杭憶野田江鄉好風物罷酒數歸年

水族殊鄉至明燈夜不孤雪花寒意減玉盃近看無反厭流匙滑
宜將剩酒沽遙憐垂釣客白首向江湖

食半翅

朱彝尊

味合添繡筍羹宜配凍醪登盤人未識入肆價須高且緩思鴉炙

大同縣志

卷二十

詩

三十四

全勝食雉膏莫愁嘗易盡應為戒貪饕

雲中至日

朱彝尊

去歲山川縉雲嶺今年雨雪白登臺可憐日至長為客何意天涯
數舉杯城晚角聲通鴈塞關寒馬色上龍堆故園望斷江村裏愁
說梅花細細開

晚行過白登

魏象樞

泛泛征車暮搖搖北鴈過沙吹邊草急樓鎖戍雲多好夢歸楊柳
鄉心隱薜蘿千年遺漢蹟一夜轉悲歌

秀女村

魏象樞

若箇春閨艷孤邨得命名人家春樹杪石路晚山平凍水攀雲宿

荒苗背雪生饒多兒女態兀坐不勝情

甲申闖寇陷兩鎮雲鎮衛撫軍朱兵憲宣鎮朱撫軍死之

魏象樞

高懸節鉞鎖重圍就義從容報國身關塞千金收死士京華一臂
失儒臣正當首鼠行蛇日不愧攀龍附鳳人三老忠魂稱鼎足好
將生氣護楓宸

雲岡佛閣

王度

聳峯危閣與天齊俯瞰塵寰處處低億萬化身開絕嶂三千法界
作丹梯乾坤再闢雷初奮海岳重光月指迷我欲凌虛朝玉陛好
從靈鷲問金泥

大同縣志

卷二十

詩

三五

題口泉圖

朱建豐

課明過山家招邀玩物華泉飛風撲絮花暖樹韜霞愛好從携酒
真堪細品茶耽幽歸騎晚新月印汀沙

大同道中

沈用濟

千嶺朝陰嶽三城控大同雲形隨列嶂山響應珣弓馬踏黃河雪
鷹呼白草風飛狐那用塞天險古來通

送郎地山學博之任大同

王奇士

千里一儒官恒州路復難隆冬馳朔漠落日渡桑乾絕塞行人少
雄關立馬看春風函丈起邊地不知寒

題雲岡寺

馮雲驤

古巘陰陰元氣濕蒼雲不動秋風急斤斧何年出化工深夜明月
山鬼泣窾鑿天開石髓香千佛寶相生奇光平河前面魚龍舞琉
璃慘澹照蒼茫當門古木森成抱落葉蕭蕭人不掃常看花草變
春秋茅菴野衲山中老山中習靜意如何寒鴉飛盡水無波興亡
太息人間事多少繁華一瞬過城臺極望還如夢霜鐘響徹晨雞
弄帝子銅駝碧蘚沉美人玉燕青苔凍息機乘化吾何心曠哉天
地迥高深萬載不改蓮花界大道虛無自古今

遊華嚴寺

馮雲驥

散步入招提茸茸碧草齊初春寒未減舊雪踏成泥河抱龍沙曲
山銜雉堞低梵聲聽未已殘日下林西

大同縣志

卷二十

詩

三

興雲橋二首

馮雲驥

百尺飛梁駕古鼉嵯峨鐵柱砥驚波沉來白馬沙堤古跨去青羊
異跡多兩岸松杉分野色五更濤浪走雷梭何人一采芙蓉贈徒
倚聊爲白石歌

倚欄縹緲俯流光鞭石飛來雲臥長水樹萬年靈鵲集風雷一夜
老蛟僵戍烟遙捲奔濤壯沙月孤懸倒影黃形勝古今終不改金
繩玉柱鞏邊疆

三雲感舊

馮雲驥

黃雲如旆掛城頭不斷陰風紫塞秋落落殘碑沉野路蕭蕭衰葉
響沙洲清霜如夢金蠶冷淡月無情玉腕愁腸斷縱橫百戰後古

魂縹緲聚荒邱

雲中秋日八首

馮雲驥

霜風昨夜感秋聲，獨客徘徊驚旅情。
黃柳幾枝臨古道，白沙十里繞孤城。
野猿坐嘯殘霞迥，烟鳥低飛落日輕。
疎散欲將人事絕，閒心吾已謝時名。

浩浩驚沙四野來，彎弓夜上李陵臺。
寒花滿地清霜重，飛草粘天畫角哀。
賽罷神燈明雀瓦，戰餘鬼火照龍堆。
百年詞客重過此，弔古長歌獨馬迴。

大漠蒼茫望轉迷，無邊衰草野雲低。
孤臺突兀聞猿嘯，怪石縱橫印虎蹄。
寂寂青山看近遠，飛飛紅葉自東西。
古王尚有遺宮在，瑤

大同縣志

卷二十

詩

三七

瑟銀箏盡土泥

錦帳貂裘紫橐駝，將軍射獵過渾河。
幾聲蘆管悲風起，十丈紅旗秋色多。
手解絲鷹臨大漠，目追野馬踏山阿。
昔年此地曾征戍，指點沉沙認斷戈。

李牧祠堂接雁門，青山萬仞古臺尊。
龍蛇古壁秋雲暗，劍戟虛廊夜月昏。
千載風烟銷舊壘，異時松柏老孤根。
迢遙玉塞憑高望，過客還來薦野蘩。

秋陰慘澹菊花黃，遊子登高望故鄉。
獨夜清霜驚旅夢，山城明月搗寒裳。
好閒不用憐貧病，任達從來愛酒狂。
極目平原天地迥，碧雲鴻雁兩茫茫。

曾識平城古戰場沙田無數列牛羊松枝撼撼凝烟黑鳥語啾啾
落月黃邊塞昔時勤將帥山川異代感興亡哀歌未斷秋風起徙
倚頻看鴈影長

世事空憐去日多酒酣白眼一悲歌徘徊秋色誰能那寥落孤心
近若何肅肅斷鴻迷古塞飄飄殘蝶戀寒柯浮雲富貴無須問欲
訪南山舊薜蘿

遊華嚴寺

馮雲驤

清夜招提境長風吹纖柯新月皎皎出流光蕩綠蘿此地曾百戰
萬馬屯干戈白骨銷為土梵聲雲外和極目何所見孤鴻渡大河

王烈婦詩

王之雲女

夏人佺

大同縣志

卷二十

詩

三

昔余視饑時驅車太原路問俗採民風節烈心所慕共傳戊子歲
姜逆逆賊肆兇醜神令有王君慷慨絕內顧卓哉楊孺人就死何
暇豫勉兒勵忠貞詩書不汝誤爰投古井中恥為賊所污母死季
子借義不忘乳哺禽委有弱息聞難生悲怒再拜別舅姑竊縊庭
中樹余時聞斯語喜極傳竹素丈夫有鬚眉臨難有回互弱質在
女子視死同朝露義方能訓兒舍生良不怖栝棊貽後昆善人天
所祚細讀林君傳委曲見情愫乃知忠孝心相遇若旦暮

重至大同

顧絳

頻年落落事孤征每到邊原一寄情馬跡未能追穆后虎頭空自
相班生風吹白草桑乾岸月照黃沙盛樂城忽見丹青意惆悵

看曹霸重才名

桑乾野漲

沈會霖

一官無口不征鞍野色蕭蕭晝影殘地是中原關吏撤天仍荒塞
暮烟寒雨纜山半先成霰水至春還始下灘但聽濤聲心已折那
堪羸馬渡桑乾

送張仲若大司馬開府雲中二首

梁清標

元戎小隊擁雙旌貴相星同上將明玉笛晚吹青海戍秋霜先下
受降城逍遙叔子看裘帶譚笑希文有甲兵莫道封侯論骨相如
今軍旅仗書生

虎符佩出未央宮兩袖翩翩識素風饗士轅門沉畫角行邊俠少

大同縣志卷二十 詩

三九

避青驄尚書履接星辰近太乙光連海嶽雄紫塞即看開斥堠須
知魏尚在雲中

大同懷古

張五典

勢抱重關控極邊漢家亭障舊相連中郎使節蘇卿老太守聲施
魏尚賢秋到白登山沒雪春深青塚草生煙何人識得銅牌鹿應
記元封出塞年

辛卯春暮大同郡齋同王柏崖作

團昇

花飛草長竟何曾節候邊關迥莫應已暖寒威重瑟縮未風雲氣
蚤曹騰更無大澤尋蘇武賸有荒臺說李陵我自鄉思消不得阿
誰扶杖一同登

孫孝女詩

團昇

孫家小女年十一有母孀居別無出族中兩鴟鴞奪母欲他匹深
嘗畫灰成密謀巧藉賣屋爲因由誘母及女與俱去中道假宿旁
村劉母女初時雅不意越宿不歸心怨詈袖中突出定昏書始知
誤入張羅地阿母誓不再適人苦以弱女纏其身相持涕泣過夜
半女忽定計甘從親可憐三尺組織就千絲縉裂半與弱女抱送
先投纒阿母忍痛去自縊古井闌噫嗟女也一黃口不肯留身落
人手燈昏月黑鬼夜啼魂魄悠悠隨阿母獄成官司爲請旌彤
管許附林姐名崇祠鼓瑟吹竽笙蚤晚俎豆隨秋丁世間婦女何
爲者燕代紛紛競遊冶爭似荒村小女娃千秋名字知林姐

大同縣志

卷二十

詩

三

登大同城

團昇

沙礫橫飛日色曛昔年中外此區分巖花澗草幾經見春燕秋鴻
都罕聞勝蹟尚傳遼太后威名誰念李將軍閱來聞寄城頭立千
里鄉關空暮雲

東關華嚴寺

吳麟

偶入招提境香臺縱目餘平林低結翠飛閣迥凌虛白社仍携酒
黃庭好注書老僧無箇事綠野帶雲鋤

雷公山謁潤濟侯廟

吳麟

輕雷起處古龍湫山勢盤盤接武周花發野壇烟正煖波涵老樹
翠環流荒碑篆筆何年記沛雨靈風盡日浮塞北由來叨潤濟故

應岳賓視公侯

鎮樓秋眺

吳麟

郡城西北有高樓此日登臨爽氣浮
四望河山連朔漠一天風露倚清秋
邊疆自昔營屯重則壤於今黍稷稠
烟火萬家民俗厚愧無三異繼中牟

縣齋春暇援琴而操之謾成一律

吳麟

獨坐西軒下悠然景色清
心閒諸籟寂花午一琴橫
敢謂絃歌化聊怡山水情
忘機春晝永檐鳥弄新晴

秋夜出塞四首

任舉

浪跡真成萬里遊又從昏夜度清秋
英雄吹醒西風夢壯士披殘

大同縣志

卷二十

詩

三

舊褐裘多病惟慚天地盡長愁
豈爲子孫謀揚鞭鐵騎嘶寒急
明月紛紛滿戍樓

邊笳斷續逐蟬聲誰倩殷勤塞外鳴
響徹荒原人悵望燒殘衰草月分明
劍浮霜氣蹙長嘯身類萍踪已半生
縱有閒情無處說新詩題向受降城

官卑地遠不知貧客裏離顏酒洗新
羸馬困眠千嶂雨浮名空老百年身
天連野草雲屯路目送飛鴻月照人
却笑痴豪遊未倦一肩星斗問迷津

故國迷離夢裏秋幾重山水幾重愁
寧辭嚼雪同蘇武肯爲飛鳶念少游
苜蓿飽嘶天駟馬酪漿渴飲月支頭
徘徊不少籌邊慮豈

有勲名後代留

暮村

任舉

地僻紅塵外村孤綠水傍
野花低薄暮疎柳碍斜陽
喚渡漁歌遠敲門犬吠狂
主人延客意禮數近羲皇

塞外卽事四首

任舉

極目平沙萬壑乾
謾將客况寄平安
風吹野草天將暮
馬飲長城窟更寒
孟夏還驚農事晚
旅懷難倩酒杯寬
龍堆不落思鄉淚
一卷離騷帶劍看

投荒却喜賀蘭東
放眼茫茫望太空
身在夷居顏巷陋
心從吏隱阮途窮
朔雲懶度千山雨
牧馬悲鳴萬里風
試數古今出塞客
嫖

大同縣志

卷二十

詩

三

姚端的是英雄

如拳毳幕絕塵氛
到處爲家傍暮雲
累月幸無車馬迹
北林猶見雁成羣
因忘物我心長樂
任彼風波耳不聞
莫怪執鞭擬牧豎
每從深夜看天文

馳驅自笑又投荒
求牧何殊擊柝忙
勲業銷沉髀有肉
年華超忽鬢生霜
人行雨夜追燐火
馬踏龍沙弔戰場
更倚受降城上望
月明心事兩茫茫

旅雪二首

任舉

一夜陰雲覆草堂
擁衾睡起益生涼
普天但得歌豐歲
亂雪何妨犯客床
春盡應驚農事晚
心痴那效阮途狂
夢魂也有無窮事
不

是家鄉是帝鄉

浪跡天涯風雪侵光陰迴首渺難尋人生止可掀髯笑旅邸聊爲
抱膝吟觀局且閑無用手檢身先解荷安心乘閒安得談天客杯
酒淋漓話古今

塞外七夕

任舉

七夕佳期萬里過銀河倒海靜風波鬚眉甘向閒中老詩句偏從
客裏多火後遺書便晒腹人間飛鳥惜填河生平多少傷心處迴
首當年事奈何

立春有感

任舉

遺恨終天嘆北辰蕭條望處倍傷神陽回邊塞愁仍舊鶯轉晴郊

大同縣志

卷二十

詩

三五

韻半新撫事不才甘袖手思家多難怕逢春
去年今日向西走惆悵東風淚滿襟

詠史十首

任承恩

淮西數州地四面環唐師攻之不卽定重以災惲
虜桓桓李將軍授鉞當先馳鷲鳴亂軍聲風雪夜半期守者初未覺蟻附登其陣
縱有長戈矛倉卒不及施降者但相謂神取非人爲疾風掃秋葉
不知其來時

趙國有李牧守邊居雁門椎牛日餉士人人佩雙鞬旣顧單于壘
重懷將軍恩尺寸有嚴刑奮激誰敢言邊庭謹斥埃烽火照隍墩
朝縱之戰敵騎竟長奔十年不近塞千里唯平原折衝良在此

庸懦焉足論

結髮事匈奴大小數百戰翻身飛上馬殺獲猶過半垂老不得封
數請以自見失道寧後期簿書疾如箭拔劍聊自明搥膺仰天嘆
丈夫志四方功業垂千秋不貴信卽已貴則當封侯耿公年少時
志已拉枯腐一朝破祝阿連戰蹴張步奈何墮成功賊虜遺君父
死或光竹帛生當列茅土

沈沈趙充國七十破羗渠公卿迎道左振旅還西都天子憫就第
朝請乘安輿問遺恒不絕老成持國謨紛紛晉宋間侈譚昧良圖
隨陸坐帷幄灌絳馳道塗刀筆鐫小吏章句毀遲儒衆人知古今
良不如老夫落落沈公言誰復同其奴

大同縣志

卷二十

詩

三四

朝遊騁良馬夕歸覽奇書天地爲衡軸宇宙從卷舒蛇鳥旣異勢
風雲隨陣居方圓與縱橫法密行間疎髣髴太公畧推測黃帝初
天挺郭李姿勲業終相當始事哥舒翰何自共忤傷盛德先奮起
豪傑反徬徨長跼請誅戮意屈神揚揚下堂執其手慷慨淚交裳
同赴公家難効死向我行

景陽彼何人盜竊乘輿儀關西馬文淵往將觀其爲陞戟故人見
私幸得所施遂令天下士頰身禮前扉驕顏甘所諛詭退從此辭
歸來向洛陽乃作并蛙噓

韓侯拔趙幟其計亦何奇斬餘泚水上降燕乘其威賢侯運勝卒
勢將無臨淄何事李左車千金購得之吁嗟制勝畧今古難等夷

不親鄧司徒功名終挫衰

灼灼東陽景照彼春園姿奕奕攀龍客會合各有時素甲佩囊韃
元幘列旌旗上馬領猛將破陣墮堅陲下馬延賓儒談笑賦歌詩
人生貴意氣淪落將何爲流涕嘆髀肉志士能無悲

紅毛刀歌

任承恩

刀故靖海侯家物余得之閩客之手長二尺有奇雙花凹
見於櫺閩閩之客曰卽紅毛書也

海山之精化爲鐵百煉寶刀剛不折紅毛酋子性嗜殺灑血磨刀
爭雄傑倚歟八表扇

皇風重譯遠獻

大同縣志

卷二十

詩

三五

蓬萊宮印圭稠疊褒元功此物亦得歌彤弓祁連家底不敢褻龍
身虎氣騰蒼穹侯門奕葉簪纓舊延津躍水將無同有客得自買
牘翁易我攄下連錢馳晶瑩錯鞞鞞容萬釘攀帶金璫瓏老蛟
截尾滄溟赤昆吾大食來向東寒宵無人自吐鞘星光耿耿精靈
逼蟲搜難辨鬼方字土色澀蝕燕支紅百年鯨浪永恬息佩服詎
必期三公女安杼柚男疆場蠻刀包裹黃牛革全鋒保鏢豈不樂
蘭綺樅樅雲夢澤

孔固書重修普恩寺碑歌

任承恩

雲州寶刹城南偏創建始自貞觀前金源重新經歷代丹青古壁
今猶全山僧指我有巨石蛟螭蜿蜒鑄四邊下承負重上纓絡晶

光玉潤圭角完方廣詎止十數尺立此巖側將千年循環坐立終
日對法言妙義皆真詮沙鏹泥印結字體雅姿拙趣何纏綿蔡鍾
久已不可作贗本雜出誰窮研顏柳歐虞石亦燼大抵波磔非唐
賢徒寶虛名不實實令人絕倒真堪憐何如此刻神不失并刀斷
水光銛宣有時屋漏折釵股無垂不縮同機圓或者快馬下峻阪
疾於電掣鸞騰騫摩挲令人重嘆賞鬼物呵護非偶然松花滿斗
不足惜更剪榻上單青氈響榻百本貽好事一時千載相流沿

題畫梅次韻四首

任承恩

天教霜雪飽空山春發枯枝凍蕊間自是鐵腸稱賦手何曾冰骨
不芳顏風橫鶴嶼初迴棹月挂虬枝鎮掩關畫裏相逢渾一笑依

大同縣志

卷二十

詩

三

然和靖占高閒

貌得孤山世外芬江南江北感離羣尊前雪憶霏霏灑客裏春教
點點分剩有相思逢驛使定無搖落對東君三更入破瓊瓏笛空
向樓端咽暮雲

思入江雲接混茫春風要帶墨池香一痕點染芳魂瘦尺幅橫斜
老幹僵曾買文犀裝畫軸也拋古錦製詩囊無端鏡裏頭新白對
雪遙懷舊草堂

山村水郭去還來絮帽寒驢往復迴春到江南芳信早雪晴巖畔
數花開年時勝說羅浮夢老大空銜婪尾杯不賴畫師知此意龍
鬚何處覓根栽

凡名作非關邑志者不登而文以人重則不拘此例如竹垞先生食半翅詩是也今邑中任氏父子詩選刻頗多亦本此意

雲岡寺二首

胡天游

萬三千寺無遺跡片石崔嵬影尚留紺髮寶支開絕壁銀雲涼瓦
自高樓疎鐘帶月搖清塞雙樹含風入早秋劫換塵移人世改諸
天定裡不知愁

寺門紅透夕陽西一片灘聲送馬蹄野客定難携展到山禽猶自
戀人啼安禪未穩身將老絕塞經過意欲迷拂掠翠微吟興在珊
珊鞭影逐風低

宿下華嚴寺

張開東

大同縣志

卷二十

詩

三七

東閣香煙靜半輪山月寒獨行空寂歷相看欲團樂客思隨僧定
鄉心耐歲殘五更鐘磬發清韻遠闌干

宿聚樂驛

張開東

月暗山光寂天寒樹色遙疲車鳴石礪倦馬踏冰橋戍火燈迎戶
墟烟酒滿瓢官亭俱有備晚興倍清饒

始至大同贈吳冲菴太守

張開東

漢廷吏治數吳公寰宇山川首大同地向南江浮彩鷁天迴北嶽
照花驄羸秦蒼莽開邊郡元魏蕭條問故宮每爲游人勞顧盼不
辭踏雪徧雲中

此從白菴集中鈔出較府志舊刻遠甚乃知詩不厭改也

書黃烈婦吳氏傳後

劉卓

千古黃家節烈門肯將一死答夫恩使君有婦徒相逼賤妾何聊
得苟存芳魄不隨剛刃朽撮抔難洩覆盆冤至今紫塞淒涼月猶
照當年碧血痕

三皇墓

李養本

浩劫還餘尺土封雲車羽駕問荒蹤鴻濛頓闕三才位渾噩從開
萬古胸白草黃沙埋斷瓦孤村寒樹背高塘圖經指點傳疑處落
日烟霏咽暮鐘

王家園觀杏花

邢纘祖

杏花深處幾家村繡野層層密蔭屯夾岸紅雲遮柳眼封條白雪
大同縣志卷二十 詩 三
妬梅魂西巖雨氣迷芳徑十里河光漾錦痕絕塞謾嗟春色少昔
人曾此播靈根

秋日雲中

宋梅

浩浩平沙苜蓿肥朔風騷屑透征衣秋涼罷逐殘蟬噪秋涼形如蟬差大聲
亦如蟬 慈老爭隨候鴈飛慈老似鴈非鴈借鴈往來廢壘荒雲迷古堞離亭衰
柳送斜暉城頭畫角聲悲壯正美尊鱸未得歸

邊牆

宋梅

邊牆一望景蕭條萬里無痕天沈寥人在他鄉愁易動山含宿雨
翠難描清秋鴈陣傳書迥隔院砧聲入夢遙懷抱欲開開未得潘
郎那免鬢刁騷

雲中道上

俞治

萬里邊城擁朔垓長風晴捲暮雲開羣山陡向龍堆落驛騎飛從
鴈塞來夜雨暗滋青塚草寒烟愁鎖白登臺無端亦作并州客賈
島詩成首重回

郡齋卽事

俞治

南薰細細隔簾生午夢初回客思清獨語楸枰消永晝閒刪詩稿
坐深更雲中六月全無暑塞外終朝不易晴抵雲三月無京意滿
天侵瘦骨夾衣先覺未秋輕

旅懷

俞治

浪跡同萍梗翻添出塞悲舊欽蘇武節重讀李陵碑白鴈傳書迥
大同縣志卷二十詩霜笳入夢遲旅懷正無賴莫唱鷓鴣詩

三九

黃烈婦祠

俞治

一劍青衣血千秋烈婦名心懸秋月皎節凜曉霜清正氣留城獲
泰山重死生至今風雨夜遺恨欲吞聲

杏花園雅集

并記

吳輔宏

歲乙未暮春之杪公事閒暇聞西城王家園杏花數百株
爲雲中所僅有招王子礪南朱子西田吳公石亭暨同署
諸公載酒往遊值冀江吟石胡公以計偕至都榜前迂道
過訪自吾不見於今五年入門問其藏具酒食外卽告以
有斯遊也出郭數里陂陀層伏羣山聳列如屏障漸聞水

聲潺潺既渡十里河則杏花迎望矣老樹交錯多數百年
物環山臨水恣態各出翔步眺矚目不暇給於是序酒屢
客曰雲郡土地寒瘠南方嘉植多不相宜而俗傳獨宜於
杏余與諸君子遠涉此土凡政令風俗服食起居亦相與
宜之而已政宜舉則修之俗宜循則因之居食宜便則適
之然則茲地之宜遊也亦遊之可矣客曰善哉斯遊得宜
民之道焉爰屬余紀其遊而綴以詩

有客多佳士招邀坐杏花閒情憑酒盞春思念田家古樹留蒼貌
繁英簇綺霞醉翁吾敢擬聊此逸懷賒

題黃烈婦祠

吳輔宏

大同縣志

卷二十

詩

四

使君自有婦羅敷自有夫云何號官人毒痛及僮奴皎皎吳氏女
天生靜且姝嫁爲黃氏婦恩愛兩不渝誰張南山羅將羅北山烏
求之不可得致奴無完膚婦起前致詞夫今將何如此頭不立斷
此身終被污霍霍出七首觸之血縷濡可憐貞烈婦畢命於須臾
至今陰雨夜啼哭聲嗚嗚我來拜祠下嗟吁重嗟吁人秉天地性
有賢亦有愚徑決禮義坊牛馬將襟裾惜哉太偏仄置此湫隘區
會當更爽塏爲婦奠厥居或用慰貞魂藉以式里閭千古同勸懲
母與狗彘俱

吳冲菴太守招飲杏花園

胡溶

塞外春風遲春杪柳芽茁遊子念故人駕言雲中轍勝日逢招邀

賓朋集時傑出郭十里餘山麓得幽折杏花植成林給賞盡可絕
萬樹映碧空色入胭脂涅赤者明于霞白者皎于雪淺者淡于朱
艷者殷于血柔條綴輕紅老幹屈古鐵或如含睇人深情渺縈結
或如林下風閒致自怡悅羈客多善懷况此暮春節思歸聞杜鵑
感時怨啼鳩把酒酬名花無爲重騷屑

胡郡伯修尊經閣成恭賦

潘斗

一振疑千仞凭欄四望賒千螺浮碧岫百雉引丹霞象接圖書府
藜分太乙葩魯侯時戾止芹藻盼光華

桑乾渡

文光

源發金龍水支流滙七泉荒雲迷渡口落葉滿晴川影寫長天碧

大同縣志

卷二十

詩

四

秋澄素月圓願言勤疏濬留利灌民田

黃烈婦祠

文光

古屋豐碑烈婦祠青衣更不愧鬚眉名垂地老天荒後恨染紅殘
綠碎時冉冉雲旂歸月姊珊珊環珮馭風姨 聖朝雅重冰霜操

會見

恩綸降玉墀

愛客泉二首

并記

王志湑

千波於鴈門以外得奇觀者二壬午二月一日行至懷仁
驛館卽見新月驚喜以爲得未曾有雲中郡齋每月驗之
皆然因作詩記以誌之今於柳泉醒心亭下又見地涌新
泉澄瑩湛碧過於其舊余以愛客泉名之知泉之心矣泉

非獨厚於千波也特愛千波之間人而有心耳雲中樹林頗少惟柳泉之上翠木幽亭遠山如黛惜無賞者日就荒涼余初來冒雪遊之謂其秀甲雲中舍弟幼海濂苑明府每聞余言公餘偶一經過頗稱幽趣遂加修葺余以醒心名其亭取梅堯臣上飲醒心泉之句蓋本之少陵也跋云跡遠黃塵襪襪對此碧玉淪漣令人神智一清以此名亭庶可無愧稍爲拂拭荒烟蔓草而化爲精翠名區亭下新泉湧躍而出余見之歎賞曰是泉也潛伏多年而恰出於余遊賞之日非有心愛此客乎客果堪愛耶蓋泉與初二新月之意同以客之投氣味耳瓜蔓之水不足以灌田蛾

大同縣志

卷二十

詩

望

眉之光不足以照路則所謂倉箱堆積車馬喧闐者何暇味及於此故適與樗散之翁相顧而相憐非此客未必見此泉知此泉所愛者惟此客也

樹下新添水一灣穿沙繞石聽潺湲原思潤物甘潛跡偶出因人却在山初疊縠紋萍帶雨乍含秋影鴈臨關我來紫塞多高詠新月還同照醉顏

地湧新泉挽再留

余雲中三年屢作歸計而未果

山靈愛客我何修潌洄石罅同

瓜蔓浩蕩天涯泛野鷗浮白流觴添坐席踏青團扇過橋頭醉翁亭子差堪擬欵段還推馬少游

幼海於此興復不淺惟不似千波之心閒耳

閏七月二十七日王潔齋明府招飲柳泉諸友咸集

王志湑

林亭載酒集羣賢恰遇秋澄霽色天高館幽窓開樹抄遠山極浦
到尊前羅雲不作催詩雨蟹眼旋烹愛客泉老我聯床容砥犢猜
花易中喜心專席間行猜花令
余幼子每多中
催歸暮雀日西銜兀自淹留笑老饑秋色此來還綠柳酒痕又見
滿青衫泉如琴韻添新曲橋點鷗波憶遠帆濂菴新製紅橋更欲
再製舟檣以仿江鄉
風欲種杏花三百本興豪我為荷長鑣

甲申仲冬初一日黎濂菴明府初度備酒柳泉好友咸集余
遲至又復載酒觴飲盡歡
王志湑

團團知己共稱觴愛此林泉畫本張行楹重頌成洛社好山環揖
大同縣志卷二十詩
四十三

壽循良鳥聲乍似三春暖茶味能清一歲忙覽揆製詞為君頌宮
中繡線正添長初三
長至

公餘詩酒寄遐心鎮日淹留興趣深莊叟元談生畧約營邱畫格
小寒林鶴南飛處飄新曲雁北歸時望好音雅令頻行還剪燭青
蓮扶醉恐難禁謂李
二尹

癸未五月余與汪又豐倪一峯韓毅菴聚於章竹山齋頭約
於二十二日往郭外作汗漫遊恒山廟小憩柳泉灣午餐
華嚴寺晚酌盡歡而散余賦四律以記一時之盛會

王志湑

相期載酒出郊行雲水閒鷗浩蕩情友好四時無寂寞官貧一飲

費經營踏青邊塞偏長夏雲中六月始出郭踏青烘赭峯巒變半晴圓几人

肩隨馬後偶然小憩笛飛聲

參差樓閣野雲環翠雪亭乃恒山最高茗憑欄半日閒翠雪不曾臨萬壑

余郡齋安硯之處名玉華山館以恒山一峯名之也更無薄暑侵高座

漸有輕雷咽遠山自信忘機問鷗鳥簷端飛去又飛還

泉上清風宛是秋幾回得似此佳遊輕衫點雨涼堪愛高樹微陽

淡未收村孺追歡同藉草儵魚賦性不從流泉內小魚游泳而不

魚性逆水而行是以常在泉中輞飢煮餅饒清話尚有名藍酒滿甌

行厨早設贊公房菜圃青青灌水涼片雨催詩禪磬動微風醒酒

豆花香惟應繡佛憐蘇晉不管人家惱太常暢飲莫辜今日會有

大同縣志卷二十 詩 四首

人歸棹看輕颺時殺菴已賦遂初

甲申二月二日同人雅集適見新月分韻各賦雲中新月一

首 王志湑

初二蟾光耿翠屏今春喜與客同經余自壬午仲春見之及今矣

不誣也雨絲風片吹全散柳眼花鬚睡乍醒李義山二月二日詩花鬚柳眼俱無賴環

佩空歸先鑑影桂宮有意早垂青五湖誰見今宵月西笑憑欄故

故停

雲中懷古 王志湑

乍到雲中認斗杓漢關秦月塞峯巒青山繞郭時聞雁白草連天

看射雕雪窖羊羣蘇屬國玉弓珠勒霍嫫姚奇勛苦節均千古畢

竟河梁賦大招

老遊邊塞喜無為訪古郊原載酒隨
漉水冰堅征騎過恒峯雪杳

暮笳吹傷心玉匣成荒草梁劉孝綽妹昭君怨詩玉匣成秋草本之石季倫昔為匣中玉甘與秋草并

濯足金盆剩斷碑城外有段文昌墓為唐人名書今已殘矣往事真同烟變滅雲岡石

佛總低眉

十月二日過黎濂薌明府几有盆菊尚佳云載自并門愛玩

移時成長句以贈兼索和章

王志浩

賢令清齋菊耐香吟懷善學費長房春秋雁塞成佳日松菊并州
載故鄉涉遠仍能榮晚節開殘兀自傲輕霜眼前猶有登高意欲

挽王宏共一觴

大同縣志

卷二十

詩

四

愛客泉長生蘋歌

王志浩

蘋能長生蘋亦仙陽春有脚來窮邊尋我林臯得寄託生我愛客
之名泉黃葉滿地枯枝影白草連天遠村烟石泉雪後益寒綠青
蘋幾叢嫩而鮮排若槐葉細可數四葉合成字如田託根水底異
荇藻碧玻璃中翡翠鈿黃塵青霜都不染皎潔綿遠全其天塞垣
得此望外物憶別晉祠歲月遷長生蘋好日坐玩碧玉春流携茶
煎虬龍盤曲兩臥栢晉陽一章豐碑鐫此景竟肯遠隨我長生之
蘋生眼前思之不能解其奧歲寒非同松柏堅無乃善藏是妙理
泉中雨暘都無權菡萏弄姿紅粉謝菱芡結實供盤餐何如恬然
居水底遂得長生年復年君不見五十年間黃梁熟錦團花簇皆

黑甜又不見安期有棗如瓜大望之不得空流涎何如對此拈花
笑便是蓬壺瑤島悟九還

雷公山載酒

王志浩

空山展拜自焚香雷部名神聚一堂飛電掣紅驚霹靂平疇泛綠
見慈祥古泉雖已催秋雨高樹猶能挂夕陽天下快人欽座上對
君豪飲盡壺觴

愛客泉長生蘋再賦二律

王志浩

嚴寒綠葉漾清泉小草長生別有天漫羨珊瑚收鐵網可隨翡翠
上金鈿厥瘡老將餐雲母脫化涓彭自水仙懸甕山前同一致塞
翁玩物信奇緣

大同縣志

卷二十

詩

吳

新泉載石作方池蘋有仙根那得知王屋神交千歲柏恒峯脉近
九莖芝輕塵弱草潭心悟芘水儵魚蓋底思這是桃源尋妙諦烟
波綿渺有餘師

陳烈婦祠

大同九總
鎮格側室

方坦

鎮署有祠題節烈莓苔滿院埋遺碣閒將往事問園丁指點蒼茫
爲予說當年九鎮守雲中泚泚干城氣慨雄可憐老病彌留際惟
有陳姬地下從自甘尺組懸梁縊五色仙雲散偏易至今木末芙
蓉花猶是媽紅美人淚精靈未肯沒荒邱月白風清時出遊爲妥
貞魂立祠祀天陰無復聲啾啾世事滄桑任更變一椽常得馨香
薦綠珠碧玉有同心千載芳名出卑賤旅客聞之感慨頻舍生取

義莫遠巡苟臨大節不能死愧此區區一婦人

太白壯觀二字墨刻

方坦

蒼崖恍惚蛟螭走壯觀兩字大如斗李白當年恒嶽遊自言名山
落吾手平沙浩浩黃雲開雁門龍首青崔嵬遙想真人下天際放
筆萬里秋風來

東城岳武穆廟

方坦

出師曾未到雲中遺廟何緣在郡東應爲黃龍期痛飲故營紫塞
祀精忠堦前頑鐵夫妻跪堂上馨香父子同一曲迎神旗半捲邊
城誰不仰英風

雲中懷古爲查藹堂賦

方坦

大同縣志

卷二十

詩

四七

不渡桑乾十六年重來憑眺景依然詩人自笑方干老太守真如
魏尚賢萬里壯心凌海嶽千秋往事付雲烟陳平奇計昭君怨只
在平沙夕照邊

塞垣詠古四首

方坦

河梁泣別最傷情五字吟成舊有名善射應思繩祖武生降竟自
墮家聲登臺遙望悲鄉國持節能歸羨子卿異域羈留長已矣椎
心難免不平鳴

李陵衛律罪通天蘇武孤忠萬古傳節盡脫旄猶鬪雪祗何能乳
祗餐瓊夢回漢闕三千里淚落胡笳十九年麟閣圖形翻殿後欲
教屬國仰多賢

撲鬢驚沙撲面風斑斑雙袖淚痕紅生成薄命歸殊俗敢怨君王
信畫工一曲琵琶秋色裡數聲環珮月明中莫嗟遠嫁單于墜多
少花顏老漢宮

文姬生小性偏聰才調爭誇有父風笳拍至今傳塞外琴聲自昔
辨閨中還家易得黃金贖失節難教白璧同儻似大家能續史肯
將直筆恕奸雄

愛客泉長生蘋歌

方坦

長生蘋出晉祠水泉名難老由斯起曾聞天下舊無雙今日雲中
竟有此城南五里水泉灣高林古寺對恒山門外靈源四時碧儵
魚無數遊池間山靈愛客意未了昨湧新泉更深宵千波徵士錫

大同縣志

卷二十

詩

四六

嘉名潔齋明宰添芳沼此泉竟同難老泉長生蘋發葉娟娟祇知
春夏顏常好誰道深冬色亦鮮桑乾層冰滿大澤萬頃風沙塞草
白波涵蘋影倍青蒸含情如識江南客蘋兮蘋兮聽我歌人生容
易鬢絲皤安得似君長茂美年年歲歲澗之阿

九龍壁歌

方坦

琉璃照壁盤九龍之而恍惚騰雲中傳是前明代王府規模直似
皇居崇運斤既極大匠巧陶埴更費官窰工殿閣已隨劫灰燼空
餘此壁前街東遙想天潢勢烜赫意氣往往凌三公高帝子孫盡
龍種位尊豈與臣僚同雖然使吏治其國尋常誰敢撻其鋒焉知
溝渠有餓殍但侈宮室崇垣墉數仞雕牆飾金碧萬民膏血塗青

紅

聖朝制度邁千古京師賜第分藩封花萼樓高翠被大諸王聚處
歡無窮我觀九龍並天矯鱗爪奮飛霄可冲卽今塞外節候異一
冬無雪春融融何妨破壁竟飛去霖雨關塞頻年豐

書黎濂鄉明府雲中懷古詩後

方坦

雁塞連天險龍山拔地雄關河經百戰風雨泣孤忠懷古詩情壯
登高眼界空倩誰敲鐵板清唱入雲中

新晴入口回抵雲中懷古呈巴總戎作

朱休度

大漠風陰塞霧愁新晴景色也開眸春波綠到長城窟柳葉青歸
古戍樓拓跋離宮無茂草金源宿將有荒邱祇今魏尚雲中在可

大同縣志卷二十

詩

四

但書生泣白頭

十一月二十四日出得勝口

朱休度

白雲不辭勞終日隨我行秋草不待人早霜隕其生行行長城窟
河畔無青青驚風割鼻耳幽目翳光晶病夫盼一宿土炕五尺橫
火煨牛馬矢薰人惡臭腥聊熨筋骨暖夜嗽冀得寧偷生若螻蟻
詩家一笑輕

吳梅村詩土屋
偷生若螻蟻

梧桐石

董知本

雲中郡署有奇石矗立空階顏色碧埋沒塵沙人不知今日忽逢

譚用之

舊在譚心齋
先生齋前

呼童汲水為盥沐現出廬山真面目上鐫蟲

鳥籀篆工道是高岡百尺桐變為卷石歷年久造物好奇無不有

蟠根入地深千重雷震蘊伏潛蛟龍雲根似木真堪怪米老見之
應下拜安得古香再返魂依然葦葦茁桐孫

浣香山房聽雪

董知本

嚴寒光透讀書帷應許簾前凍雀知漱玉響從人靜後撒鹽聲在
夜深時天花雨散維摩室柳絮風清道蘊詩欹枕聽來頻側耳徹
宵更漏任遲遲

新秋遊城東華嚴寺

王志澂

禪房花木近如何撥遣閒愁載酒過高處軒窗澄霽景翠連阡陌
起農歌老懷鄉國雲山遠舊雨江湖秋水多余初至郡文武同振
城今皆遠官黜楚
羽莫隨南去雁徘徊月出照藤蘿

大同縣志

卷二十

詩

五

梧桐石歌

王志澂

雲中郡齋有奇石木形石質圍五尺舊銘題是青梧桐千年化作
雲根碧君不見恒山峩峩玉華峯當年有石飛墮常山東曲陽廟
祀崇闕宮又不見東坡帥定得雪浪黑質白章珍異狀亦云採取
自恒麓芙蓉盆貯娛清曠從古恒山異石多胡爲乎此石木變不
同科我思太極剖判萬物具飛潛動植無非二五相盪摩此石不
識幾經水火劫非金非土緣何獨與木也元精耿耿同枝柯夙聞
嶧陽產廟堂中去聲琴瑟靈異恣變化自殊腐朽質况聞梧桐之生託
根崔嵬九天沈澀相滋培凡鳥不得近惟待鳳皇來下翔舞朝陽
開鳳巢阿閣遠莫至寒山枯槁心成灰也似望夫石屹立風雨江

之津拂以邊霜照以塞月苔纏蘇剝秋復春昔也萃萃萋萋今也
鑿鑿粼粼願為君子高堂礎不作庸夫爨下薪

秀女村 距郡城五十里相傳明武宗幸大同嘗微行納民家女於此

王志融

野店停驂謫夕曛綠楊門巷好風薰紅裙秀是誰家女翠被驕傳
異代君震動乾坤才土木巡遊南北又將軍年年塞上桃花笑綽
有風流萬古聞

癸未夏初禱雨恒山乞神水以歸即日甘霖霑足謹誌四律

王志融

盼深簷溜響潺湲夏首雲城雨意慳禾麥已難旬日計犁鋤可聽
一秋閒愁生邢邵樓邊月心遠元暉牖裡山恒岳千年英爽在何

大同縣志

卷二十

詩

五

辭足藹勇追攀

疊嶺層岡取次尋巍峩高處快登臨幽并日盡三邊色虞夏人遙
萬古心雲壑日翻朝彩炫松林龍吼夏寒深琳宮縹緲勤瞻拜咫
尺神光意不禁

巉巖千仞叩靈泉底事龍泉不在淵溟渤元精通紫極關山明月
讓澄鮮慈雲似漾菩提柳甘澍何如華嶽蓮 西嶽廟有御題岳蓮靈澍四字匾額

多少官民迎谷口淨餅高捧翠峯烟

野店歸途夜寂寥依然魂夢繞客堯嶽靈早訝雲隨馬河潤慙稱
雨逐輅大漠濃膏成沃野連天新綠慶崇朝列城報賽貞元德 北岳

恒山之神元平元五年 加號安天大貞元聖帝共洽歡忱頌

帝堯

湯雨生都尉集同人作消寒會分韻賦詩余久出未與亦成

一律步黎濂薌明府元韻

王志融

金城返旆迥寒初樂事諸君信有餘浩蕩關河常作客風流裘屐
喜開予鄒枚高會梁園雪褒鄂閒情鄴架書自笑清貧饑太守只
應杞菊賦霜蔬

新春四日黎濂薌明府作消寒會賦詩三首代東次韻奉酬

王志融

春風幾日到居延浩蕩遙情萬里牽東閣官梅催雪鬢斜川詩酒

早雲篇虎臣久射南山虎

謂雨生都尉

仙吏高談北岳仙

渾源王簡亭刺史在座共

大同縣志

卷二十

詩

五三

詢恒山張果老仙蹟高館華燈歡永夕慚余坐嘯復今年

會有驪珠箇箇探春筵觴詠各微酣嚴寒尚數九邊九雅集居然

三月三已報循良花縣最

濂薌歲內已膺卓薦

更思豐樂柳泉甘

距郡城五里有柳泉

灣水木清華池亭久圯濂薌擬即修葺以為觀稼遊息之所

麥青雉雉應同往仄徑清流携手

談

憶否江花破曉寒江鄉旨蓄薦春盤

殺有泰和鹽豉

南天霞曙春應滿北

地鴻歸雪未乾廉吏苦苓同臭味名流針芥易團圓

蔚州張水屋刺史詩名書

畫夙稱三絕近因年老罷官亦欲僑寓雲中誰知飲馬長城外別有朋簪一段歡

清和雨後方丹衢董培之以遊柳泉詩見示步韻奉酬

王志融

雨後雲青野望寬佳遊傾耳有餘歡泉奔大澤雙龍合山霽長城
萬笏攢買島客愁銷塞上淵明歸興漫江干謂黎濂菴明府和章林亭且慰
豐成樂麥秀桑柔勝百端

柳泉長生蘋歌

王志融

晉祠流水天下奇長生蘋泛碧琉璃昔曾諷詠竹垞句佳遊幾度
心神怡竭來忝作雲中守大漠風沙何所有偶因禱雨步靈湫眼
明池上百株柳清波激灑潛鱗魚興發濠梁欲携友葺亭也擬豐
樂遊良辰曾載醉翁酒誰知勝地逢幽人再出靈泉一曲新舊泉
澄清明似鑑新泉慈菹蔓生蘋秋月春風等閒玩明珠翡翠相曜
璨元冥司律山澤藏澗毛應亦冬春判昨聞賓客相聚言蘋竟長

大同縣志

卷二十

詩

五三

生柳泉畔琳瑯幾處投新詩吟壇又起新公案憶我髫齡三楚遊
愛依蘭芷橫輕舟漢女湘妃拾翠羽多年夢繞青蘋洲晉祠碧玉
亦心賞考槃無計恒勾留何當坐嘯桑乾曲復有青蘋倍華縉披
裘試往倚欄干九邊寒避一池綠高柳無姿雪滿山萬葉泉心艷
芳躅瀟湘鴻雁盍歸來此間尚有鴛鴦浴日斜亭上行遲遲自悵
霜侵兩鬢絲爲語恒山漫產芝縱稱祥瑞將何施歲寒只取後凋
節徑寸苗同松柏枝

查靄堂於郡齋作消寒會共賦雲中懷古

王志融

縱談往事酒千巡燕寢疑香集衆賓窻湧一輪秦代月琴傳幾拍
漢時春久因坐嘯慚居處况對關山憶古人無限英豪同屈指河

梁高咏倍傷神

馬邑龍堆接大荒而今魏尚荷時康
蟪蛄塞遠無烽警勾注關雄
只雁翔奇計白登雲杳杳美人青塚晚蒼蒼
曹朱謂秋嶽去後風流在雪海吟詩弔戰場

聞柳泉落成奉寄千波徵君

湯貽汾

耽遊爭羨老來強覓句偏撩暇裡忙
高士獨堅邱壑志窮邊今作水雲鄉
醒心亭上秋方好愛客泉頭酒亦香
便擬携琴遠相就幾年無處醉重陽

奉酬千波仁兄索柳泉圖并示雅集之作
湯貽汾

品論泉石寄書頻愛我無聲句最新
千里賡酬長慶什一時裘屨

大同縣志卷二十

詩 五十四

永和春得閒都是林園主到此無非詩
酒人更羨時平賢守暇乖鞭輒倒季倫巾

奉答少華王座師師陝西華州人乾隆戊子山西正主考楊得

盛代崇風雅斯道豈淪歇愧我邊鄙人
微才等毛髮少小挾書策龔曠孰與發
塵土塞胃腸詩筆乏清拔况復鍛其羽
空羨摩霄鶴被褐臥邱樊健關弄烟月
壯心猶未朽夢泣思騰越晚秋客金臺
誰當市駿骨

詩伯推吾師未覺昔人好竹垞與漁洋
遺躅綜懷抱世俗逞淫哇相視殊草草
譬彼雲霧開雙丸跳青昊夙昔仰止情
趨謁衣裳倒聲望媿韓歐人倫歸鑿藻
自嗟伏櫪悲憂心怒如擣剪拂使長鳴

一顧苦不早

魏陵烟雨

黃象賢

龍蟠虎踞舊山川畫色空濛罨墓田今日一犁荒草地當年半壁
魏家天零花滿澗濃含雨古木參雲淡拂煙世代茫茫誰作主朝
霏夕靄自生憐

九日登鎮樓感懷

黃象賢

孤山滄水拱金湯粉堞朱樓鎮朔方唐魏思深懷舊德邊關扼要
重名邦興賢尚憶馮都尉先達猶傳李侍郎歷代英雄留不住白
雲紅樹滿斜陽

柳港泛舟

雷振霄

大同縣志

卷二十

詩

五五

小港溶溶白鷺洲柳堤深處放輕舟夕陽帆影遊絲亂細雨烟波
落絮浮欸乃歌聲人競渡青蔥樹色水交流阿誰月夜吹橫笛驚
起橋頭對對鷗

一品石紀事

崔允昭

何處飛來此一峯烟鬟霧鬢碧苔封誰憐荒徑埋幽質留與愚公

拓素胸

石向在臺東花池中草蔓上
蝕意趣毫無今移置於此

遷地居然新氣象可人不在

善詞鋒相推花國為盟長肯教興雲作雨慵

時苦旱
故及之

連朝熏沐露花斑選勝勞心位置閒頌以南山君自壽拜如米老

我猶嫺雲中歲月無懷介柳下風情不類頑

石立花臺南
畔柳株下一品嘉

名欣戴錫點頭應是許追攀

次和原韻

哲成額

芙蓉拔地湧奇峯柳映花遮碧蘚封五尺峻嶒驚客眼三生磊落
印君胸摩挲恰好安詩榻慷慨何須試劍鋒盼煞連宵窗外雨曉
粧如沐髻鬢慵時郡中稍旱太守親率僚屬里民虔誠祈雨

太守風流見一斑政餘寄興水雲間石留棠蔭他年愛韻比梅花
此日嫺撲面空青神欲活對人堅白性非頑苔岑託處同欣賞屹
立階前日幾攀

奉次一品石原韻二律

方發祥

已拚泥塗老碧峯移來新比得榮封一拳自負崢嶸象五色真怡
磊犖胸將爾兄呼頭合點何人目注劔垂鋒應關太守廉明瑞藉
大同縣志卷二十詩
此摩挲免笑慵

王美

太守風流見一斑嶙峋怪石出塵間嘉名肇錫心應轉勝地新遷
介自嫺絕勝砭砭徒溷玉長留色相定非頑公餘嘯咏延賓賞一
品頭銜孰可攀

奉次一品石原韻二律

王之幹

除却梧桐別有峯郡署有梧桐石偶逢賞識出塵封移來階下昂藏質快
吐生平磊落胸頭角如斯終炫目崢嶸已露尚含鋒風流真是無
雙品唱和追陪肯道慵

陸離蒼翠古痕斑位置端宜花柳間金玉圭璋由此重烟霞嘯傲
本來嫺從知骨秀原超俗况復神清可化頑第一高人當境是不

須着履費登攀

奉次一品石原韻二律

於吉中

東閣梅陰峙一峯功高盤石孰加封人來舊雨咸低首地起層雲亦盪胸鄰樹近依棠菱說邊山遠鎮劔鉞鋒何須金帶徵花瑞道僻因教過客慵

獨對題詩兔管斑墨痕餘漬縐紋間德隅大有磨礪用聲磬還須

擊拊嫺三品舊名思掌故

吳興掌故錄載有趙文敏三品石

一拳新意示矧頑巖

巖不似南山節豈藉藤蘿手共攀

讀大同縣志烈婦臧賈氏傳作詩弔之川少陵古栢行韻

有序

顧穗林

大同縣志

卷二十

詩

五七

烈婦適臧氏子翁調之憤激自縊死年十八邑侯東鄉黎

公上其事檄余會檢既定讞大吏疏

閩下部議抵翁罪烈婦

旌表入祀節孝祠如制烈婦為不朽矣雖然彼烈婦豈為名哉事

變相遭義不受辱捐軀完節視死如歸亦行其心之所安

而已烏虜烈婦一農家弱女子未嘗讀書識字而大義所

在毅然引決如此是不獨足以勵閭閻也會侯謨縣志為

立傳余得讀之感侯表章節烈之盛意復紀以詩

女貞勁節敵松栢蘭芷比姿心鐵石何物雄狐敢誘之賈倫干紀

忘三尺妾非姪女那數錢按腕痛為遺體惜慷慨致命絕朱絲身

卅玉碎志則白此志皎若日升東寒芒萬丈燭殞宮全受全歸謝
父母貞魂浩氣還太空賢侯列狀上大府鋤奸表節維國風治獄
平允于廷尉撰志謹嚴康武功偉哉巨筆如隆棟事關義烈文章
重綽楔巍峩肅豆籩神絃歌舞虔迎送誰無一死死鴻毛扶植名
教成麟鳳作詩應付杜韓手俚拙聊資隍引用

次和王千波徵君長生蘋原韻

顧穗林

新泉忽涌喜前因復有蘋如南澗濱萬木枯時迴地氣九邊寒處
媚詩人徵君自載雲亭酒長吏能生雁塞春錫與嘉名同晉水采
風他日壓吳莼

玉河觀漲

霍宗光

大同縣志

卷二十

詩

五

夜雨新添水一篙拍天盛漲勢滔滔中流雪浪翻銀海極塞秋風
捲怒濤萬古滄桑成大劫百年身世等鴻毛金源舊是西京路逝
者如斯首重搔

柳泉灣小集次和郝石邨廣文原韻

霍宗光

一灣花徑小橋東曲榭雕欄比畫工雙澗靈泉珠錯落滿池仙草
玉青葱斜陽返照餘霞綺旅雁孤飛暮靄空更欲與君同領畧徘徊
亭畔月明中

黎濂菴先生正月初四日補作消寒雅集以詩訂約依韻奉

和七律三首

郝昇榮

寄到瑤章作款延吟懷早已被詩牽飛觴未酌丹霞酒擊鉢先酬

白雪篇最喜韻人添韻事從知詩吏卽詩仙遲開東閣非無意留
與梅花敘隔年

思境幽深不易探筆搖五嶽興何酣豈惟鸚鵡薦空盤一

先生客騰卓異入薦

如許鴻文地唾三花滿河陽春正永棠垂南國雨初甘政平案牘
無留滯風月何妨此夕談

自笑無羶客坐寒年來椒酒賦空盤門前蛛網封逾密壁上蝸涎
篆不乾擬具野蔬收苜蓿行邀清話對檀欒中和漸近花朝暖

余擬

二月中旬小集好鳥聲聲敘飲歡

暮春桃花未放署中諸友以詩催之並屬和章感事懷人紛

然振觸疊次原韻漫成四律

黎中輔

大同縣志卷二十

詩

五九

滿樹桃花欲放時薄寒猶怯未開姿拋殘九十芳菲節銷盡三春
富貴期好事蹉跎常恨晚美人惆悵易傷遲關情賴有枝頭鳥爲
爾聲聲也繫思

時乎不再此何時閒煞芳林絕代姿草映空階偏有色蝶尋幽夢
尚無期春風人面經年隔紫陌紅塵到眼遲欲倩依依官道柳柔
條萬縷縮愁思

春工點檢已多時未肯輕開亦傲姿絕色本來羞自銜東風誰信
不如期箇中榮瘁叅消息世外烟霞任早遲遙憶武陵溪畔路漁
舟何日寄相思

得氣原應各有時瑤池仙種異凡姿三千歲在終無恙廿四風來

偶過期韶景定堪邀月駐名花端不怨春遲行將夜醉芳園客秉燭歡遊慰所思

城南柳泉灣水木清華雙泉漱玉甲申春予為小葺暇日偶集賓僚觴詠於此逾年長生蘋秀茁滿池昨歲愈茂登於公牘紀為祥瑞因作五言律二十首

黎中輔

城南車馬地出郭近烟霞古剎圍高樹清流映淺沙境俱雲影靜路仿草痕斜偶爾聞雞犬孤村在水涯

此地何人闢泉聲不記年洗空秦漢跡涵泳智仁天任彼虛舟泛伊誰汲綆便形骸無滯礙飛躍羨魚鳶

山川誠好我此日萃菁時雲乳初盈掬仙蘋竟滿池瑞徵三秀草

大同縣志

卷二十

詩

李

祥紀九莖芝若問長生訣甘泉穩護持

書額酬神祝中丞最繫思

前歲池蘋最盛中輔通稟以祥瑞所關載省志中丞盧厚山先生手書神

祝甘泉四字懸千秋柳州記

方伯葉筠潭先生作記刻石一代輞川詩觀察王幼海

夫子長歌今書異采騰星斗

靈風颺桂旗雲章同不朽五色煥新

祠

蓮舟通柳港

元魏時由東郊樓臺相接笙歌

玉河水通西關謂之柳港兩岸載酒遊艇如織舊八景之一也勝景

已全堙不有滄桑變安能日月新長生今壽相慧業此前身成佛

何人後依稀悟夙因

自飲長城馬茫茫百代餘三

胡今日下始見此泉初神物原相待

山靈信有諸古人如可作心

樂亦蘧蘧

漸覺春如線，凭欄引興長。田田花一浪，乙乙柳千行。水暖乳鷗戲，
天空旅雁翔。夜遊還秉燭，詎肯負韶光。

細葉沿堤潤，輕風帶雨來。雙泉琴韻合，四面畫圖開。綠上裙腰草，
青含展齒苔。山隈兼水曲，隨意可徘徊。

天機原活潑，到處水成渠。對客忘賓主，看雲任卷舒。不知身是蝶，
謾說子非魚。茗椀爐香畔，空亭讀道書。

一笑良朋集，招邀效踏青。雲俗盛夏覽勝華簪花下盍，玉轡柳邊
停。逸興飛晨浦，閒心寄晚汀。座中王內史，走筆序蘭亭。

嫩涼天宇淨，清賞快携樽。遠岫烟如沐，平沙月有痕。蟲聲暗草際，
蟻夢帶槐根。誰識林泉癖，醒酣雨不論。

大同縣志 卷二十

詩

空

入畫秋容淡，軒窓此最幽。潭心全印塔，樹影不依樓。萬馬風中過，
雙龍天際流。披襟人意爽，魚鳥共忘憂。

大野偏宜雪，瓊瑤萬頃鋪。如何蘋獨秀，不與草同枯。色並松筠耐，
神將冰玉俱。江南頻問訊，索寄卧遊圖。

亞字疏籬外，紅欄雁齒橋。是誰修得到，惟此福能消。造化情多巧，
神仙境獨超。雙禽花下嘯，似聽奏咸韶。

自墮塵寰後，層城久隔春。藥珠宮闕麗，瑤草歲華新。猶幸羣仙伴，
無忘下界人。天花香滿袖，手散一池蘋。

仙根何處有，况復在邊城。水向源頭活，春從黍谷生。無雙真貝葉，
莫貴此瓊英。自古窮荒地，從今得令名。

體合乾初義淵泉托此身盟心惟有月撲面更無塵雜俎稽懸壺
水經懸壺之山晉水出焉西風詩咏澗濱生生符易象長占四時
陽雜俎長生蘋惟晉水有之
春

才名天所忌用世貴深藏羨爾耽泉石偏能做雪霜目空桃李艷
心寄水雲鄉何必安期棗延齡別有方

會心應不遠俗慮已全刪騎鶴吹笙地拈花一笑間白蓮叅妙諦
綠玉駐新顏無限天然趣真機自往還

吏貧衙早散官久訟恒稀雖著花間屐仍閒樹葉衣香清蘋可薦
綠滿柳成圍何日容招隱江邊卽釣磯

郡齋梧桐石感賦一律

黎中輔

大同縣志卷二十

詩

三

一從雋尾感知音棄擲茫茫歲月侵祇惜我心原匪石誰憐此度
式如金夢爲飛蝶情難訴化作啼鶻恨轉深精衛已空填海力莫
教銜去作勞禽

書烈婦臧賈氏傳後

黎中輔

誰信烈婦生農家自幼曾不知鉛華天然端麗雙鬢又嫁年十六
明朝霞可惜彩鳳偏隨鴉于歸陋壻同牛車門雜馬矢壁盤蝸窮
巷隘室井中蛙自甘麤糲勤桑麻那知幽澗多龜蛇腥風穢穴張
淫哇高堂飲醉聞呼茶婦手提壺烹新芽阿翁漁色猶嗜痴昵語
手挑目微斜綱常墮墜委泥沙婦性烈烈如明燬豈使當前一念
差翁猶不悔心逾奢復以遺贈相曲遮賢哉婦德思無邪矢將一

死礪齒牙夜半慘黑繩掛杖須臾命盡傷落花驚起里鄰咸吁嗟
論翁抵罪非浮夸貞心勁節蒙

褒嘉綽楔

旌門如懸瓜烈婦之烈莫以加白如美玉堅無瑕

鄉有貞女張氏乳時父亡母嫁為城中呂媼所抱養及長知
非所生媼復迫以非義誓死不從一日偶聞隣姥道其母
踪跡女急奔母家呂追之不獲訟於官予為判定擇配時
有懷仁史生年未冠尚無室試適捷洋遂以婚之作七律

一章紀其事

黎中輔

如此奇緣眾口誇果然並蒂是名花其才已作公桃李之子真宜

大同縣志

卷二十

詩

三

爾室家泮沼月圓雙壁影簫樓雲擁七香車苦心幸喜諧初願往

事重聽信可嗟

女初逸不知其母所居聞耳後追捕聲益惶急無策過土地祠見白髮老人曰若欲往張門乎女曰

然遂導之至門回顧不見矣母女初不識言其詳相持慟呂已追至匿空箱中乃不獲翌日登訟庭則冒認者二三家讞定爭始息

予書駢體判詞以示通衢信可作傳奇觀也

題王干波徵君長生蘋圖冊

張從簡

蘋有仙根境自幽長生芬郁媚清流飛來難老靈泉種點破窮荒
落葉秋亭外孤雲隨野鶴池中片月伴閒鷗披圖客或相疑信認

作蓬瀛第幾洲

移建崇聖祠落成

聶應聘

昔日崇聖祠方隅殊倒置茂草鞠當門不復瞻禮器下車謁廟廷

耿耿予心憺幸也古雲中雄傑多好義移建苦經營相度明位次
偶爾剔莽榛豁然覩平地築登新垣墉落成感靈異焜煌棟宇隆
踰濟勤講肄偃僂走循牆俎豆敢嬉戲油油溯水源定分而辨志
朝日掛東山暮鐘聽遠寺承奉得依歸車服緬洙泗

重建太乙閣落成

武錫珪

荆棘斬荒臺聳然高閣起雕甍周四圍天衢尺盈咫憶昔太乙臨
藜光映書几照耀今古同菁華擷經史摳衣更上層縱目從茲始
身依日月光川原曠瞻視千里富文瀾掬盡桑乾水多士勉前修
昔賢堪繼美邈然緬漢儒講經列槐市笙簧錯鼓吹公門盈桃李
春風鼓迅雷龍津躍河鯉莫易老馮唐及時當礪砥

大同縣志

卷二十

詩

六

長生蘋

郭百里

碧玉池中葉似田

西陽雜俎載蘋葉如田字

爭看瑞氣鬱新泉天花作骨香如

海秋水為神草亦仙沁出靈根能淨植生逢仁壽定延年曝書亭

後風流遠

朱竹垞先生曝書亭集有長生蘋歌

得遇洪崖合拍肩

豈比尋常景物新居然難老滿池蘋

晉祠泉名難老長生蘋惟晉祠有之

天邊雨露

相滋長世外烟霞遠俗塵名以長生原壽相料他明月是前身何
緣塞北荒涼下今占乾坤第一春

冰洞

張志仁

六稜稜凹復稜凸山神百怪恣出沒高瞰日月齊星辰深千萬丈
蛟龍窟想見盤古乍分時陰陽翕闔精純結元氣渾淪俯大荒造

化秘竅何由泄我友黃君最好奇訪古登山屐齒折歸來語我心
怵怵有冰一穴泉一穴泉穴雖清清亦常冰穴之泉真怪絕斯時
三庚暑氣蒸冰箸高垂寒凜冽若云深谷固凝寒云胡咫尺泉聲
咽更有奇觀在三秋消冰不異湯沃雪天荒地老倏成冬百草皆
枯河凍徹惟有斯泉偏不知探之觸手尚餘熱七尺昂藏古丈夫
肝胆自與庸夫別平生溫冷不隨人傲骨撐持勁於鍊此泉髣髴
此心同茫茫濁世逢誰說

文鷲湖

楊霖

搖漾春波映黛岑湖光十里野雲侵依檣語燕羣相掠戲水浮鷗
雨不禁入畫烟痕供客眼澄潭塔影靜塵心箇中妙趣均堪領付

大同縣志

卷二十

詩

五

與新鷲也解吟

七峯山觀天橋玉龍諸勝

郭輯五

選勝且停驂奇觀盡日探岫聯珠斗七洞鑿玉峯三龍去雲牛谷
僧歸月滿嵐天橋如許渡妙悟靜中參

晴眺塔山

即禪房山寺建於天寶年間

郭輯五

塔建丈人峯千尋聳筆鋒上方時響鐸下界不聞鐘古刹留唐碣
蒼苔護漢松新晴憑仰止窈窕翠微濃

冬至過雪窖有感

郭輯五

無限荒涼大窖中漢臣仗節矢孤忠牧羊海上旌旄落鬻雪山前
生死空月夜霜華真似水天邊劍氣總如虹客行偶過河梁路猶

聽哀笳度朔風

文鷺湖

黃文傑

誰言西北少平湖偏有文鷺入畫圖十里風光開勝境一泓烟景
是名區鷗波綠浸沽魚箸柳岸青遮賣酒壚何日浮家兼泛宅扁
舟明月好踟躕

小龍門

黃文傑

駭浪驚濤萬馬奔居然氣象是龍門金鱗一躍雲霞麗石闕雙開
虎豹蹲當日神功思伯禹何年仙派導崑崙圖經從此傳名迹賴
有前賢姓字存

前明萬歷年間懸崖處
侯中丞勒石今圖縣志

鐵索橋

黃文傑

大同縣志

卷二十

詩

李

疑是飛仙度沈寥擲來鐵索便成橋蒼龍偃水開層浪天馬騰空
上九霄蓬島神山雲渺渺珠宮秋夜月迢迢迷津彼岸誰先覺別
有金繩路一條

文鷺湖

郭庭槐

嵐漪滴翠映清波如此湖光可奈何四面烟霞環別墅三春天氣
扇微和良辰美景真無價畫意詩情豈在多十里鷺啼啼不住綠
陰深處又漁歌

小龍門

郭庭槐

懸崖絕處署龍門猶認當年手跡存兩岸山搖還岳震中流電掣
更雷奔題名似此原非小聲價應知到始尊仙鯉會當燒尾日為

霖為雨潤乾坤

鐵索橋

郭庭槐

河聲山色雨迢迢鐵索橫空竟作橋里有庚辛堪漫錄年非丁卯
詎重標周密有庚辛雜志一卷許渾有丁卯集又橋名丁卯今邑志新輯以鐵索橋圖入首卷故及之駕鼉禹績
傳前代鞭石神功記往朝此日大川占利涉金繩飛渡跡超超

冰洞

郭庭槐

六稜山色奇難繪一洞冰心妙莫傳玉柱垂簷當夏月乳花瀉地
是冬天誰將冷暖翻新局能使炎涼不主權難索解人通咫尺從
旁別有四時泉

文鷲湖

師文

大同縣志

卷二十

詩

空

東南一片是明湖十里煙光鏡面鋪遠浪迎眸真海子

俗名小好

音盈耳有鷲雛美名洵可添詩卷拙筆居然作畫圖

縣志各圖皆文所成此湖

也其一寄語華州王內史不知堪比臥遊無

謂華州王千波先生

暮春偕友柳泉灣泉亭小飲觀長生蘋有作 師文

嫩柳輕風拂面來水光山色畫圖開客因雅集聯今兩座對清泉

酌舊醅地氣靈鍾初啟秀天懷高寄盡名材

近年池產長生蘋聞於上臺皆稱祥瑞信

地氣之靈也名流題亦皆蔡集縣志

仙蘋定許仙人種碧玉灣頭手自栽